

ձակ վանդակազմերի պատճառով: Նույն ձևով կարող էին տեղ զբաղեցնել հաջորդ աղյուսակները: Ուստի, նկարիչը նախատեսել է նկարել տասից ավելի խորաններ, որոնց շարքում պետք է լինեին նաև N 789-ի խորանները: Բացի այդ, ձևագրի սկզբում պետք է որ լինեին Եվսեբիոսի նամակի երկու խորանները:



Նկ. 5

N 7353 ձևագրերն ունի մեկ տերունական նկար՝ «Եսայիայի խորան», որը տեղադրված է 98-րդ լրիվ էջի վրա: Պատկերի գունային միատոնությամբ ստեղծում է այն տպավորությունը, որ դա ոչ թե թղթի վրա կատարված մանրանկար է, այլ՝ մետաղյա խաչի դրվագում (զեղնավուն խաչի վրա Քրիստոսն է, ոտքերի տակ Աղամի գլուխը, իսկ երկու կողմերում, ավելի փոքր խաչերի վրա՝ ավազակները):

Անվանաթերթում շկան ո՛չ հորինվածքի և ո՛չ էլ զարդարանքի միօրինակություն: Նրանցից նրկուսը ոչ թե կիսախորաններ են, այլ զլխազարդեր. մի բան, որ զարծյալ ավելի կիրառվում էր վաղ շրջանի ձևագրերում: Լուսանցազարդերի գերակշռող մասը մոնումենտալ բուսական զարդաներ են X—XI դդ. ձևագրերին համապատասխան: Դրանց կողքին կան դեկորատիվ զարդեր, որոնցից մի քանիսը հիշեցնում են «կենաց ծառի» տարրերակներ և հարազատ են ժամանակի մանրանկարչությանը, Նույնը կարելի է ասել զարդազրկի մասին, որոնք մեծ մասամբ քառաթև վարդակների հետ համատեղված հյուսվածքներ ունեն: Սրանց մոնումենտալ օրինակները կան վաղ շրջանի մատյաններում, սակայն ավելի մեծ աղբյուր ունեն XIII դարի Թանասի մանրանկարիչ Հովհաննեսի զարդատառերի հետ:

Ուրեմն, XIII դարի Որոտանի Աղիտու վանքից պահպանված այս միակ ձևագիրը իբրև մանրանկարչական արվեստով ավանդարար կապվելով X—XI դդ. հայկական մանրանկարչության հետ, միաժամանակ ընդգրկում է իբրև ժամանակի զբարդվածության հարազատ հասկանիչներ:

Ժամանակի դաժան պայմանների հետևանքով ձևագիրը կորցրել է իր շատ արժեքավոր նկարազարդ թերթերը, որոնք օտարության մեջ պահպանվել ու դիտվել են իբրև X դարի ձևագրի մասունքներ: Տ. Կույումճյանի հրատարակած մատենագիտության շնորհիվ մեզ հայտնի դարձած «կորած» թերթիկները լրացնում և ամբողջացնում են Մաշտոցի անվան Մատենադարանի N 7353 շատ արժեքավոր ձևագիրը մատյանը:

Ա. Բ. ԳԵՎՈՐԳՅԱՆ

ՀԱՅԱՍՏԱՆԻ Մ. Թ. Ա. VIII—VII ԴԱՐԵՐԻ ԳԱՎԱԹ-ՍԱՓՈՐՆԵՐԻ ՄԱՍԻՆ

Հայաստանում մ. թ. ա. VIII—VII դդ. հուշարձանների պեղումներից հայտնաբերված բազմաթիվ կավանդակների շարքում առանձնանում է երկկանթ սափորների մի յուրօրինակ խումբ: Բիսյանական ամրոցներից, բնակավայրերից և դամբարանային համալիրներից գտնված այս փոքրաթիվ գավաթ-սափորները ունեն կարճ կամ ձգված իրան, հարթ հատակ, աղեղնաձև կանթեր:

Պեղանալիս սովորաբար հանդիպում են չորս կողմից արձրացված կանթերով և պատկերված է տեսա-

րան, որտեղ հայկեր տուրք են բերում պարսկական արքային: Նրանք ձևագրերի յուրահատկությամբ իրանի հետ մեկտեղ տանում են նաև բավականին մեծ շափերի (բարձրաբանակում մարդկային պատկերների մեկ հորիզոնական շարքով) երկկանթ սափոր: Այն ունի կլորմունք իրան, ձգված վիզ, աղեղնաձև կանթեր, վերին մասում ոճավորված են թուղեի ղան-

¹ E. F. Schmidt, Persepolis I. Chicago. 1953. plate 29 B.

ղակ պատկերով: Մենադից այս անոթը վերաբերվում է աքեմենյան (վաղ հայկական) ժամանակաշրջանին: Ելակեա ընդունելով այս փաստը, Հայաստանում և Անդրկովկասում պեղումներով գտնված նման ձևի կավանոթները նույնպես թվագրվում էին այդ ժամանակաշրջանով: Սակայն վերջին տարիներին այդօրինակ կավե սափորների հայտնաբերումը Արարատյան դաշտավայրի բիսպական հուշարձաններում (Ինչպիսիք են Էրեբունին, Արդիշտիխինիին) հնարավորություն ընձեռեց Հ. Մարտիրոսյանին առաջարկելու դրանց ձևերի ալելի վաղ ժաման հարցը²:

Քննարկվող երկկանթ սափոր-դավաթների ձևաբանական ուսումնասիրության համար սկզբունքային նշանակություն ունի դրանց իրանների կառուցվածքը, որպես առավել բնորոշ հատկանիշ, բոտ որի այս անոթները բաժանվում են 2 տիպի:

1. Լայնացող, կարճ իրանով սափորներ: Առաջին տիպի մեջ ընդգրկված անոթները ստորաբաժանվում են երեք տարբերակի.

ա) Կլորացող ուռուցիկ իրանով սափորներ, հայտնի Արդիշտիխինիից (աղ. I, 1, 2), Էրեբունիից (աղ. I, 3), Օշականից (աղ. I, 4, 5, 6), Սարյանի փողոցի (նախկին Մոսկովյան) ուրարտական դամբարանից (աղ. I, 7), Սարուխանի № 11 դամբարանից (աղ. I, 8), Կարմիր բլուրից (աղ. I, 10):

բ) Գնդաձև իրանով սափորներ՝ Արդիշտիխինիից (աղ. I, 9), Էրեբունի (աղ. I, 12, աղ. II, 6):

գ) Ներկոն իրանով սափորներ՝ Արդիշտիխինիից (աղ. II, 2, 3):

2. Նեղացող, ձգված իրանով սափորներ: Սրանք հայտնի են Արդիշտիխինիից (աղ. II, 1, 4, 8), Էրեբունիից (աղ. II, 5, 7), Կարմիր բլուրից (աղ. II, 8), Օշականից (աղ. II, 7, 9, աղ. III, 1): Երկու տիպերում քննարկվող անոթները ունեն ցածր կամ բարձր վիզ, բերանի տարբեր լսիների բացվածքով, որը կախված է վիզի կառուցվածքային առանձնահատկություններից: Այս հատկանշային սկզբունքով սափորները բաժանվում են փոքալսյունիկ և ուղիղ, շուրթի մոտ աննշան լայնացող բերանով անոթների:

Նկարագրվող սափորների կանթերը կտրվածքում կլոր են, մի քանիսը վերին մասում ուռուցիկ ելուստով զարդարված: Այս անոթները ունեն նեղ և լայն հարթ հատակներ:

² А. А. Мартиросян. Армения в эпоху бронзы и раннего железа. Ереван, 1964, с. 241.

Բացի Խորհրդային Հայաստանի տարածքի հուշարձաններից, նմանատիպ անոթներ գտնվել են նաև Վանի թագավորության հնավայրերից, մասնավորապես Հայկաբերդից (Զավուշեփե), Բաղնոցից, Բաստահից, Զիվիեից (աղ. III, 4, 5) և այլ կենտրոններից³:

Վերջին ժամանակներս մ. թ. ա. VIII դարով թվագրվող Երևանի բիսպական գամբարանից հայտնաբերվել են երկու նմանատիպ սափորների բրոնզե աղեղնաձև կանթեր⁴: Դրանք Պերսեպոլիսի բարձրագույնի սափորի հետ միասին հնարավորություն են ընձեռում խոսելու այդ տիպի կավանոթները մետաղական սպասքի ձևերից ընդօրինակված լինելու մասին, որը լայնորեն կիրառվում էր Վանի թագավորության խեցեգործության մեջ: Այս հանգամանքը որոշակիորեն հուշում է երկկանթ սափորների թվագրման ժամանակաշրջանը, բոտ որի դրանց վաղագույն օրինակները կարելի է թվագրել մ. թ. ա. VIII դարով:

Ինչպես նշում է Հ. Ա. Մարտիրոսյանը⁵, այս ձևի անոթները Հայաստանում գոյատևում են նաև Ուրարտուի անկումից հետո, ինչը որ վառ կերպով ներկայացված է վաղ հայկական Բարանլուի ամրոցի դամբարանային համալիրներում, ինչպես նաև Բեյլեբախում (մ. թ. ա. VI դար)⁶, Էրեբունիում⁷ (մ. թ. ա. VI—V դդ.):

Քննարկվող երկկանթ սափորները (դավաթները), բացառությամբ առանձին օրինակների, հիմնականում դուրկ են զարդամոտիվներից: Դրանք կարմրավուն, դեղնավուն կամ սև գույնի են, անգորապատ, իսկ մի քանիսը ալքի են ընկնում իրենց խիստ փալեցված մակերեսով: Մի քանի երկկանթ անոթների վրա կան ուռուցիկ, ներձկված գծեր, գոտիներ, որոնք հանդիսանում են կավանոթների հարդարման պարզունակ ասորերի Այսպես, Արդիշտիխինիից գավաթներից մեկը (աղ. I, 9), ինչպես նաև Էրեբունիից (աղ. II, 6) հայտնաբերվածը վիզի տակ ունեն անոթի վերին մաս:

³ S. Kroll. Keramik urartäischer Festungen in Iran. Berlin, 1976, typ 83 a.

⁴ Ս. Ա. Եսայան, Լ. Ն. Բիազովի, Ա. Կանեցյանի պեղումները. նյութերը զերթով ներկայացված են Հրատարակության:


⁵ А. А. Мартиросян. Город Тейшебани. Ереван, 1961, с. 139—140.

⁶ Նույն տեղում:

⁷ С. А. Есаян. Каталог археологических предметов Музея истории города Еревана. Ереван, 1967, с. 115, табл. 27, рис. 2, 7.

սը ուսից անջատող ուռուցիկ հորիզոնական գոտի, որը սովորաբար բնորոշ է մետաղական անոթներին: Մեկ այլ սափոր, գտնված Սարուխանի № 11 դամբարանից⁸ (աղ. I, 8), զարդանախշված է երեք ակոս-գոտիներով, տեղադրված անոթի իրանի կենտրոնում:

Եթե վերը թվարկված անոթները բուրգ են հարուստ զարդամոտիվներից, ապա նմանատիպ երկու սափորներ, գտնված էրեֆունից (աղ. I, 3) և Արդիշտիխիից (աղ. II, 2), աչքի են ընկնում իրենց բավականին հարուստ նախազարդ հորինվածքներով: Դրան-



Աղ. I

⁸ А. С. Пилипосян. Раскопки в с. Сарухан.—В кн. Археологические открития—1984. М., 1986, с. 436.

ցից առաջինը՝ էրեբունիից գտնվածը⁹, ունի կարմիր անգորապատ փայլուն մակերես, իրանը բաժանված է նախազարդ գոտիների, բաղ-

⁹ Մ. Իսրայելյան. Էրեբունի բերդադարձի պատմություն. Երևան, 1972, ա. 27:

կացած ևրեր ներկված, հորիզոնական գծերից, իսկ իրանին և շուրթի տակ արված են իրար հաջորդող սուր ծայրերով դեպի ներքև ուղղված բաց-վարդադուր, մուգ-կարմրավուն երանգավորումով եռանկյունիներ, Նրկորդ երկկանթանի սափորը, գտնված Արդիշտիխի(ի)10, ձևով և զարդամոտիվների համակարգով նույնությամբ համընկնում է նախորդի հետ: Քննարկվող անոթները հարդարող երկշարք հորիզոնական եռանկյունիների նախազարդումը կատարված է անզորի հեռացման եղանակով, որից հետո եռանկյունիները լցվել են իրար հաջորդող կարմիր, դեղնավուն գունային երանգախաղով: Նման եղանակով սափորների հարդարումը բնորոշ է լիախտական տարբեր ձևերի երկգույն անոթներին՝ մասնավորապես հանդիպում է էրե-լուներից, Արդիշտիխի(ի)11-ից գտնված տարբեր ընկերների վրա: Մինչև վերջերս գտնված նման երկկանթ սափորների վրա լին արձանադրված ոչ մի նշան, դաշ. սակայն Արդիշտիխի(ի)11 պեղումներից հայտնաբերված կարմիր անդորապատ դավաթը այդ խմբին պատկանող անոթներից առաջինն է, որի հատակին արված է վարսիսի նշան խաչի տեսքով, կատարված խաղաղման եղանակով: Նմանատիպ նշանները վանի թագավորության խեցեգործության մեջ ունեցել են բավականին լայն տարածում և հայտնի են բազմապիսի խեցանոթների՝ կարասների, թասերի, ստփորների և այլ տիպի մեծ ու փոքր տարալի ձևերի վրա, պեղված կարմիր Բուրից, էրեբունից, Օշականից, Արաղածից, ինչպես և Արևմտյան Հայաստանի մի շարք հնավայրերից: Դրանք հանդիսանում են վարպետի (արհեստանոցի) նշան:

Խեցեղենի այս խմբին մենք պայմանականորեն վերադրում ենք նաև Արաղածի բիայնական ամրոցի բնակիչի համալիրներից (№ 2 կացարան) հայտնաբերված անոթը (աղ. III, 2,3): Այն դեղնավուն է, շագանակագույն երանգավորման հետքերով, մակերեսը ունի բարձրորակ անզորապատում: Սափորը ունի կլորավուն իրան, բարձր լայնացող վիզ, փոքր հարթ հատակ: Ի տարբերություն վերոհիշյալ սափոր-գավաթների, Արաղածից հայտնի անոթը ունի մեկ կանթ, որի ստորին մասում իրա-

նի վրա փայլեցման եղանակով արված է X տառ հիշեցնող վարպետի նշան: Նմանօրինակ միակնթ սափորները բիայնական խեցեգործության մեջ ունեցել են լայն տարածում և հայտնաբերվել են Քոփուրակ կալեից (Վան)՝ Իզդիրից, ինչպես նաև բիայնական այլ կենտրոններից¹² (աղ. III, 7,8) ու դամբարաններից:

Երկկանթ սափորների մեջ որոշակի հետաքրքրություն է ներկայացնում Զանգեզուրի Հարշիս գյուղի տարածքում հայտնաբերված անոթը¹³, Այգ դամբարանային համալիրում բացի խեցեղենից գտնվել են նաև սկյութական տիպի բրոնզե նետասլաք, երկաթյա դանակ և այլ առարկաներ, որի հիման վրա Օ. Խնկիկյանը հիշյալ դամբարանը թվագրում է մ. թ. ա. V I I—V I դդ.: Մեզ հետաքրքրող (աղ. I, 11) սև անփայլ անոթը ունի ուռուցիկ կլորավուն իրան, բարձր վիզ, հարթ հատակ: Այս անոթը ձևաբանորեն նմանակվում է վերը հիշատակվածների, իսկ կանթերի կառուցվածքի առանձնահատկություններով ամբողջովին տարբերվում դրանցից: Սափորի կանթերը կենտրոնական հատվածում ունեն ծնկաձև կորություն, իսկ վերին մասում դրանք ավարտվում են պարույրաձև նախշով: Անոթի ողորկ արտաքին մակերեսը ունի վարպետորեն կատարված դարդաճանդում, բաղկացած երկրափական մոտիվի մի քանի տարբերից: Իրանի վերին մասով անցնում է թույլ արտահայտված հորիզոնական ակոս-գոտի, վերևից եզրափակվող մեկմեկու հաջորդող սուր ծայրերով ներքև ուղղված, կետադարձակով լցված եռանկյունիների շարքով: Նման նախազարդ դոտի կա նաև սափորի հատակամերձ մասում: Անոթի կենտրոնը հարդարված է երկշարք դիզադեներով, իսկ ուսին արված է սեպաձև ուռուցիկ ծեփանախշ, Բևե Զանգեզուրից հայտնաբերված անոթը ձևով նույնությամբ կրկնում է բիայնական վերոհիշյալ երկկանթ սափորները, բայց և այնպես այն, անկասկած, հանդիսանում է տեղական խեցեգործական արտադրության նմուշ: Այդ օրինակը բավական մեծ հետաքրքրություն է ներկայացնում: Տվյալ դեպքում վառ կերպով արտահայտված է խեցեգործության բնագավառում փոխներթափանցման ու փոխադրվածության փաստը բիայնական և տեղական մշակույթների միջև, ինչը որ եկատվում է

¹⁰ А. А. Мартыросян, Армянские глиняные. Ереван, 1974, с. 148, рис. 72.

¹¹ Գ. Ա. Տիրացյան. Արմավիրի պեղումները. Հայկ. հՄՀ-ում 1985—86 թթ. դաշտային հնագիտական աշխատանքների արդյունքներին նվիրված գիտական նստաշրջան. զեկուցումների թեզիսներ. Երևան, 1987, էջ 39:


¹² S. Kroll. Op. Cit.

¹³ Օ. Խնկիկյանի պեղումները, որին շնորհակալություն ենք հայտնում լճատարակված նյութից օգտվելու հնարավորություն տալու համար:

Նաև ութիշ ափսի անոթների (մեկ կանթանի սափորներ, թասեր, փխալաներ, ինչպես և բրոնզե գոտիների, մանգաղատիպ դանակների և մի շարք այլ առարկաներ) դեպքում:

Ծթն Հարջիսից հայտնաբերված անոթը զուրկ է անգորապատումից, ապա երկու սև

իրենց բարձր որակի անգորապատումով և փալլուն մակերեսով: Դրանց պատրաստման բարդ ձևը, բարձր որակը և խեցու բաղադրության ուսումնասիրությունը որոշակիորեն մատնանշում են այդ անոթների անմիջական կապը բիանական խեցեգործական ավան-



Աղ. II

գույնի անոթներ, գտնված էրեբունիից. Թաղազյուղից¹⁴ (աղ. III, 9), ալթի են ընկնում


զույթների հետ: Հիշարժան է, որ Թաղազյուղից հայտնաբերված սափորի մակերեսի անգորապատումը համընկնում է նույն դամբարանից հայտնաբերված աճյունաստիքների, ինչպես նաև

¹⁴ ՀՊՊԹ 1624/25

կարմիր բլուրից գտնված սև փայլեցված անոթ-ներին հետ: Այս նյութերի մանրամասն վերլուծականը մեկ անգամ ևս ապացուցում է, որ նման սև փայլեցված անոթների խումբը ունի բնական ծագում:

Քննարկվող երկկանթ անոթները գտնվել են

րակրկիտ մշակմամբ և կարելի է վերագրել հանդիսական կամ ծիսական սպասքի տիպին: Հանգանակ է, որ նմանատիպ խեցեղենը օգտագործվել է ինչ-ինչ ծիսական արարողությունների ժամանակ, կապված հեղուկի (չրի, գինու) օգտագործման հետ: 2. Ա. Մարտիրոսյանը¹⁵



Աղ. III

թիվ քանակությամբ: Դրանք, հավանաբար, օգտագործվել են ոչ ամենօրյա տնտեսական կարիքների համար: Սահոր-գավաթների խումբը աչքի է ընկնում խեցու բարձրորակ հատկություններով, ման-

¹⁵ А. А. Мартиросян. Аргаштинили, с. 148.

գտնում է, որ Արգիշտիի խիստ զարգացած հիմնականում գտնվում են բնակելի համալիրների սրբազան անկյուններում, ըստ երևույթին հանդիսանալով այդ անկյունները հարգարելու անհրաժեշտ առարկաներ: Նույնը նկատվում է նաև Արագածի պեղումների ժամանակ:

Նման երկկանթ սափոր-զավաթներ հայտնաբերվել են նաև մի շարք դամբարանային համալիրներում՝ Օշական¹⁶, Երևան¹⁷, Թազագյուղ և այլն:

Ինչ վերաբերում է այս անոթների թվազրմամբ, ապա այստեղ գլխավորը դրանց կառուցվածքային առանձնահատկությունն է, ինչպես նաև առանձին հատկանիշների, մասնավորապես կանթերի տարբերությունը: Պարզվում է, որ այն սափորները, որոնց կանթերը վերին մասում ունեն ուռուցիկ ելուստներ, բիայնական խեցեգործական արտադրությունում հանդես են գալիս մ. թ. ա. VIII դարից: Այս հատկանշային տարրը շարունակվում է գոյատևել ավելի ուշ ժամանակաշրջանի անոթների կանթերի վրա՝ մ. թ. ա. VII—VI դդ., աստիճանաբար սակավանալով:

Նմանօրինակ անոթների հայտնագործությունները վերը հիշատակված հնավայրերից,

ի թիվս դրանց նաև բրոնզե անոթների կանթերը Երևանի բիայնական դամբարանից, մեր կարծիքով վերջնականապես ճշտում են այս խմբի սափորների թվազրումը, որի համաձայն դրանք վանի թագավորության նյութական մշակույթում՝ խեցեգործության բնագավառում, ի հայտ են գալիս մ. թ. ա. VIII դարից ոչ շուտ Քրեանարկվող երկկանթ զավաթ-սափորները, որքանով որ հայտնի է, իրենց ձևերով ամենահինն են Հայաստանում, շնայած երկկանթանի անոթները Առաջավոր Ասիայում հանդիպում են ավելի վաղ:

Հայաստանում ավելի ուշ ժամանակաշրջանում (վաղ հայկական, հելլենիստական) հանդիպող նման անոթների գոյատևման փաստը մասնավորապես բացատրվում է մշակութային ժառանգականությամբ, ինչպես նաև ավանդական փոխադրություններով:

Բացի երկկանթ սափորներից, բիայնական ժամանակաշրջանին պատկանող անոթների մի քանի ձևեր¹⁸ (թասեր, մեկ կանթանի սափորներ և այլն) նույնպես շարունակել են գոյատևել վանի թագավորության անկումից հետո, արդեն որպես հայ պետականության ժամանակաշրջանի մշակութային նմուշներ:

¹⁶ С. А. Есаян, А. А. Калантарян. Ошакан I. Ереван, 1988, с. 76—81.

¹⁷ А. А. Мартиросян. Армения в эпоху бронзы и раннего железа, с. 241.

Հ. Գ. ԱՎԵՏԻՍՅԱՆ

¹⁸ Գ. Ա. Տիրացյան. Ուրարտու և Հայաստան.— «Պատմա-բանասիրական հանդես», 1978, № 1, էջ 53:

ՆՈՅՆԱՐԵՐՅԱՆԻՑ ԳՏՆՎԱՄ ՄԱՆԳԱՂԱԶԵՎ ԳՈՐԾԻՔՆԵՐԻ ՈՐՈՇ ԶԵՎԵՐԻ ՄԱՍԻՆ

Ուշ բրոնզի դարաշրջանում Հայաստանում և Անդրկովկասում լայն տարածում են ստանում բրոնզե մանգաղաձև գործիքների որոշ տեսակներ, որոնք ըստ կիրառման հնարավորությունների կարելի է բաժանել երկու մեծ խմբի: Առաջին, հիմնական խումբն են կազմում բրոնզե հաստ թիթեղից պատրաստված մանգաղները, որոնց շեղքը մեջքի կողմում հաստ է և բարակում է դեպի սայրը: Կոթառի լայնացող մասում, եզերին արված են անցքեր բռնակը ամրացնելու համար: Նմանօրինակ մանգաղների Հայաստանում և Անդրկովկասում առաջին անգամ հանդես են գալիս մ. թ. ա. III հազարամյակից և հայտնի են Գառնիի, Նա-

խիչևանի, Քյուլթեպի, Ամիրանիսգորայի, վաղ բրոնզեդարյան շերտերի պեղումներից¹:

Ուշ բրոնզի դարաշրջանում վերահիշյալ տիպի մանգաղների գտնվել են նոր Բալազետից, Թաթիայից, Անիից, Սարատովկայից, Խաչատարակից, Լուսաձորից, Կիրովականից, Նոյեմբեր-

¹ Б. Н. Аракелян. Гарин I. Ереван, 1959, с. 25, рис. 12; է. Վ. Խանդավյան. Գառնի IV. Երևան, 1969, էջ 42, նկ. 34; О. А. Абибулаев. Некоторые итоги изучения холма Кюльтепа в Азербайджане.—СА, 1963, № 3, с. 69; Т. Н. Чубянишвили. Амиранис—Гора. Тбилиси, 1963, с. 73, рис. 14.